

建昌府志卷四十二

人物傳 六

吳懷英 陶 秀 黃 時弟昭 李 喬 李 挺

何實同 鄧 誥 許 璜 范 沂 吳 衍

黃 儀 黃 釗 夏 寶 李 玘高祖端 何 洛

左 海 鄧 榆 黃 選 李 朝用 吳 鏜

鄧汝相孫繼芳 劉 高 謝 袵 楊 溥 鄧 標

李 朴 吳允文 謝 晏 李春和 魏 總

王 材 何 汴 張 璣 羅 錦 曾應翔

羅汝芳弟汝順 曾 猷 李經綸 朱大器 李萬實

李 橋 黃必登 魏邦泰 陶 標 曾具瞻

建昌府志

卷四十二

人物傳 六

一

李 郎徐氏 李良翰 趙 郡子伯讓 張 蓉 鄧 植父璋

張 照 曾翔龍 羅廷秀 涂 渙 程 勳

唐樸齋劉浙 曾 潭 黃天祥 鄧元錫 陳希聖

李 堯 張 檣祖廷用 張 鑰 王維煥 何 源父錢

徐 鉞 黃文煒 湯邦翰 張 挺 涂 儲

陶 亮 饒 衡 羅 鈇 聶希先 謝一豸

章 泮 王仲源 孫 奎 許 琬 高 佑

王 璽 邵 廉 蕭 鵬 黃 璵 萬 實

邱 浙祖嵩 包鼎臣子宏 揭 容 毛普聖 潘 傑子維

建昌府志卷四十二

人物傳

六

明

吳懷英南城人九歲失父事母袁飲食湯藥必躬嘗後進母以疾廢與妻設椅檐於庭中深愛愉色若無可以得歡心者居鄰火延燬數百家懷英負母走風旋反廬得無恙嘉靖元年推官危德上其狀督撫陳某召見講鈞禮十二年巡按李循義旌其廬曰孝子之門毋年九十一卒懷英且幾七十廬墓三年寢苦枕塊不以老廢禮先是寇竊發一郡洶洶攝郡通判方綱召懷英計事懷英跪請於母母許諾出見綱曰古不有結義社以集民兵者乎綱韙之署爲

建昌府志

卷四十二

人物傳六

一

義兵長懷英率以捍賊賊潰民皆安堵太守曾璵鄭源渙李珣縣令孫甫先後標禮邑薦紳張昇羅玘夏良勝輩咸引重焉性喜蒲石人稱蒲石公

謝耳伯集

陶秀字子實南城人嘉靖壬午舉人爲太平令先是里役不均田多脫漏秀編造黃籍爲十甲均田之法賦役悉清瀕海故多軍衛庄田弗屬編管秀立爲軍圖令服役視齊民又墊磴道路起皇華息肩二亭治義塚民甚德之調高淳民饑不食秀日夜乘舟計口均授全活者數千人丁母服闋補廬州英山建城立五門不日就緒累遷雲南寧州

守致仕卒

浙江通志程燦墓志

黃時字懋中廣昌人父極讀書好義爲張東白何椒邱羅一

峰所重時幼醇謹及長益勵于學嘉靖元年舉于鄉授信陽州學正以身爲教每集諸生於堂訓之曰堯舜人可爲其道惟孝弟今人乃不於孝弟用力如何可爲人時州守毘陵唐瑤太史順之父也聞其言大愜日就講論順之來省父以父執禮見時秩滿擢令延津爲政一尙寬和而於綱常之大毫不容假民周甲以枉得死罪繫獄久時申辨得釋巨寇江寵擁衆三千突入境時備禦右方寇遂遁調盱眙地衝而瘠使輅相望時善爲調停使無稽而民不害以修祖陵功晉階六品丐養歸卒祀鄉賢弟昭字懋賢嘉靖四年舉人任江浦知縣縣屬崇德里田濱大江自成化以來日就崩潰而民供稅如故昭憫之請除賦於大吏持

建昌府志

卷四十二

人物傳六

二

不可會民自聞於朝昭力陳其苦於戶部得減十之八秩滿擢知眉州丁母憂未赴服闋以長兄歿遂不復出

黃建拙軒集

李喬號石崗廣昌人嘉靖二年第進士歷官吏部稽勳員外

郎苦貧嗜學以行義自持在官銓選惟公惟慎邑修志喬

爲總裁所著有石岡集

明縣志

李挺字汝直號秀峰南豐人嘉靖初以國學授潮州經歷屬邑大埔山寇嘯聚御史臺檄挺攝縣事挺以恩威招撫盜息民安期年新任至寇復猖獗邑令懷印走挺再署篆單騎至賊巢披誠曉諭賊叩頭感泣潮境復平挺念埔民本不爲亂採買騷擾遂致激變於是一意撫循當道索取痛爲裁抑竟罷歸潮民泣餞者萬人適汀寇剽掠潮民護之

及汀始去縣志

何實同廣昌人嘉靖中歲貢任信陽教諭性廉潔而□□□

生徒貧乏者悉力周之每令家人鬻產以繼歸之日暮□

英贈以詩云昔年趙汴曾攜鶴今日先生鶴也無廣昌縣志

鄧誥字子華新城人嘉靖乙酉舉於鄉任高郵知州州機戶

例納絹若干誥悉易以布祭酒呂柟贈詩云再見楓山着

浣衣學士夏言亦贈詩云五馬諸侯尙布衣秩滿遷儀制

司員外會世廟太后崩祔葬顯陵誥不肯加禮中官嘆曰

清風謾謾林下偏多奈何屈體刑餘也遂罷歸四壁蕭然

嘗署清風亭以自況縣志

許璜字德鳴南城人幼遊崇仁廖東峰之門每有所得輒識

建昌府志

卷四十二

人物傳六

三

以楷書比長制行莊整嘉靖乙酉舉於鄉謁選得岳州通

判邑長吏有恃勢橫恣者璜毅然以法繩之後陰圖報復

上官知璜正直得調常德任九載政聲卓然擢徽州同知

踰年屢乞休當路佳其恬退遷淮藩長史抵任後不數月

假歸不復出偕郡邑耆舊夏來山王稚川十數輩修洛社

故事徜徉林下幾二十年昆弟四人友愛終身不少替子

姓中或不給與親識孤寒者不吝賑卹野有暴露者並捐

貲收瘞人稱盛德卒年八十有五羅近溪文集

范沂字本魯南城人嘉靖乙酉舉於鄉歷官郴州知州時志

黃冊沂親裁覈不假吏胥手弊盡絕又革諸供費陋□民

德之遷阿迷州致仕家居二十餘年庚子邑大饑出粟以

賑全活甚衆卒祀鄉賢

高志

吳衍字子繁南城人嘉靖乙酉進士初理沽頭等聞不狗權勢以謗謫貳和州勵職惟謹旋通判常州時海倭猖沸判主兵餉餽給不乏累遷刑部郎值讞嚴世蕃藍道行獄疑言塞耳人以後患爲慮衍獨以身任其責獄上得俞讞囚山右有邊帥以失機論死援大璫爲言衍曰國法也敢假以媚人哉遂乞歸歷十餘年卒

王材墓志
人物志

黃儀字士瞻號井峰新城人嘉靖乙酉舉人初授天台知縣調廣濟所至有循卓聲致仕歸儀優於學問爲王材鄧元錫所重著有半仙樓集

縣志

黃釗字德剛號環山南豐人舉嘉靖戊子鄉試卒業太學授

建昌府志

卷四十二

人物傳六

四

廣州通判廣多盜每一盜發輒牽引百十家釗虛平訊察一無枉濫有劇盜以重賂營脫釗論如法東莞寇起郡邑震動指揮督兵扞捕兵敗乃委罪縣尉巡檢釗力爭曰指揮世享國祿職主征伐遇寇輒奔遁自保反委罪下吏乎得不罪釗慷慨喜任事凡地方利病抗顏直論多所裨益然浸失大吏意書考不及調判萊州未幾報罷歸休於祖居之黃坊作菊臺課子弟以詩酒自娛終其身

王稚川集

夏寶字彝仲號來山南城人嘉靖戊子鄉舉授寧德知縣以一僕自隨布袍蔬食淡如未過時莅政廉明醵金悉人公帑案無留牘暇則吟詩灌口悠然自得也累陞岳州同致仕歸與同邑羅錦許璜新王材諸人修洛社

謙謹學博善詩文而與人言論退然若無有者南城故無縣志所司民土政事惟附見郡乘郡乘亦多舛畧寶乃別纂成書源流縷晰較他志頗稱善本

福建通志

李玘字文甫號石沙南豐人高祖端舉孝廉爲學官以節操著行取御史而卒玘兒時患疹跛其足或謂之則益自力於學年十一隨母陳氏姊貴避寇山中母姊被執給玘歸謀贖金並罵賊以死自有傳嘉靖戊子玘舉於鄉明年成進士授刑部主事權璫殺人諸曹莫敢問玘執禁之其黨怒誣玘不謹逮繫錦衣獄謫廣西都司經歷提學以玘主桂林書院多所成就稍遷順慶同知修唐店諸堰灌田數千畝有權法者叅政逮其子玘曰非法也子竟得釋遷知

建昌府志

卷四十二

人物傳六

五

惠州府惠俗尙鬼多鼓鑄玘黜墨吏清浮稅明保甲均里役捨土豪李亞珠神巫菊花頭置之法物害頓除民以和富博羅民病狂死人以誣其妻貴溪民習戲捕以爲盜玘立辨之人稱神明修印山隄新金斗橋纂惠州府志日以經術課士在郡五年民知嚮風擢貴州按察副使爲怨家所中坐得調尋卒於家祀惠州名宦所著有石沙集湛若

水爲之序

夏桂洲集

何洛廣昌人嘉靖八年以祖喬新蔭判温州廉潔勵節恂恂若儒生而執法凜然不阿初文淵守溫溫人立祠祀之洛去任郡人以其克繩祖武也繪像配於其側

浙江志

左海字伯川號東瀛南城人嘉靖間選貢歷任東陽教諭□

學善記初以五經授徒人稱爲左五□性孝友□卒日久不瞑海泣請曰得無以幼弟爲念當以己產盡與之卽取契券與弟目遽瞑既食貧筆耕自給子文麟年長無就學費衣履敝垢海視之怡然得官後始命就學不數載文麟舉鄉試人謂海厚德之報所著有東瀛集五經節補治安策二十條

南城夏志車
延松墓志

鄧榆字宜清新城人庚子饑大吏下勸分令榆發儲粟應令得表門稱義士既建亭曰集義亭左曰義倉春發粟貸耕佃秋蠲息儲之右曰義塾羣里族童稚不能讀者讀其中延族兄杞爲之師又造學宮文昌橋割石城田三百斛以資諸生膏火縣令獎之爲著籍

高志潛
學稿

建昌府志

卷四十二

人物傳六

六

黃選字朝夫廣昌人嘉靖間歲貢邑迎恩門舊居學宮右學面於墻弗便也選倡義改造適當宮門之中遠秀呈列特據勝槩邑令林繼祿爲之記易其額曰通賢又建宣化義渡浚義井督學蔡懋德以崇學好義特獎之

向三省
縣志

李朝用字南屏新城人嘉靖戊午間爲南坊糧長時閩寇竊發縣集衆守城天氣嚴寒朝用旦夕煮粥給衆寇退邑人德之又爲義倉積穀歲歉則出以賑里中有不能婚娶及喪葬者輒陰助之而不□其名施鷓溪渡建新豐橋令高其品行禮之賓筵曾孫國成康熙舉人

潛學
稿

吳鏗字舜韻號兩川廣昌人嘉靖癸巳選貢任蜀府紀善性磊落倜儻有大節恬於名利博極羣書時與同志講□身

心之學慨然以聖賢事業自期許歷台州司訓建陽教諭聚徒考亭與之講論至庠舍不能容

明縣志

鄧汝相字仲弼號南溪南豐人嘉靖甲午舉於鄉授祁陽令祁界楚粵孔道民以役困相爲養馬於官困遂蘓要官至□□卒責而懸諸檣相奪以歸要官恨甚卒弗能害也西□□兵驕悍所過多擾惟至祁則斂迹不敢犯靖江王浪□不法流毒三楚相使人拒之境曰王不出城載在令甲必欲蹂躪吾民當愬諸朝遂他去奸胥納富室賄飛糧寄戶貧民苦益甚相親爲審編析者并之重者輕之曰是戶役均而貧富皆得其所民有鬻子女者出俸贖之死不能葬者櫛之凡有利於民者朝聞夕舉不遺餘力尤急於造

建昌府志

卷四十二

人物傳六

七

士拔其尤者親爲督課買田二百畝以贍師儒由是陳薦盧竒彭大用相率取科第去前此數十年未有也初陳薦□□□富婦翁悔而訟之相惡其傷化召薦試以文益大嘆異顧翁豪有力難以驟奪乃謬語女至當爲若判至則疾麾鼓吹導入某坊某舍衣粧畢具薦感奮遂登第官至大中丞夫婦繡像以祀相在楚治行稱第一賜璽書金綺晏勞擢雲南賓州守奉檄察騰越稱兵獄宥脅從數百人上官惡其專相不少辨在任三月卽移疾歸年八十卒祀祁陽名宦著述甚富行世者南溪集二十卷孫繼芳以

選貢令晉江亦有善政

江西通志

劉高字允升南豐人九歲作文雅有矩□十三入泮英聲□

然時人目爲五經笥嘉靖甲午歲薦入國學張孚敬竒其文遣人諭意謁見當得殊職高不往任浙江平陽簿清介自持政平易民甚親戴不敢以狙詐欺公餘手不釋卷六載致仕歸惟勤課子姓杜門不出平生謹飭每燕居拵扉端坐伯叔父過門外高聞其警效必起而拱立其不欺類如此

縣志

謝袵字于中號東峰廣昌人少沉穎博洽經史受學於鄒東廓明良知之說東廓每稱爲老友父母病躬嘗藥餌朝夕靡寧居喪遵古禮人稱爲誠孝嘉靖中以國子生任蘄州

經歷

明縣志

楊溥字宗淵新城人以孝友著父病嘗割左股進父父愈母

建昌府志

卷四十二

人物傳六

八

病復割右股母亦愈同懷七人溥最長諸弟婚娶築室皆溥拮据宗族有忿爭不解者率請決焉嘉靖間邑令范惟恭禮以鄉賓固辭不應年八十七卒

新城縣志

鄧標字宜正新城人幼失怙年十一從仲兄桂學於太學五載歸閉戶誦讀不少懈太守曾璵聞標名試之大賞歎曰是誦習曾南豐文者立送入郡學爲諸生弗雋乃以貲入太學時詐太常成名攝祭酒得士心爲御史張景所劾標攘臂前號緒生曰師有急弟子何得避盍疏諸於是應者數千百人具疏上得旨祭酒供職如故標在太學久弗偶入銓選僅得養利州吏目養利乃廣西裔徼道阻遠難至交親危之標竟攜家行至則大安之久之以直失官歸居

家不至公府林卧終其身

潛學稿

李朴字良貞號東谷廣昌人貌蒼古而性純恪嘉靖間以監生令萬全憫軍之苦爲設法加餉以恤遷眞定通判貢市煩擾朴持之以廉潔所盈縮劑量深合機宜訖事無譁者又加餼於屬邑學以待士士甚德之後乞休歸

何三省縣志

吳允文字其止號敬所南豐人安貧嗜學事繼母孝教鄉黨以禮讓人皆化之李經綸閉戶著書人莫窺其際惟允文與爲觀摩能具道其本末嘉靖丁酉舉於鄉授合浦令往時採珠命下珠戶多亡出境允文捐俸助民調停有方民樂於役遂不流徙朝覲道里之費舊取給於民允文罷之廉惠益著便道歸行李蕭然覲回疾卒遊其門者徐鉞張

建昌府志

卷四十二

人物傳六

九

照趙郡皆以清節著

南豐備錄

謝晏字警齋南豐人爲人剛中而敏作文詰屈有異致與符遂李萬實湯作曾應祥諸君往來倡和有聲嘉靖戊戌以明經任福建羅源令絕苞苴剔奸蠹凡興革便民者毅然爲之無少顧以老致政歸卒祀羅源名宦

羅源縣志

李春和字子中號致堂廣昌人嘉靖十六年舉於鄉授令湖廣咸寧地衝俗黠春和博訪利弊叅以時宜罷坐馬爲差馬禁里甲無得辦送物價均戶口以正版冊立庫收以杜侵欺置赤歷以防稽匿罷征商以蘓積困令下民大悅邑頻水旱春和力請減民租得復其半景籓之國太守命屬邑盛供應春和請蠲其不常有者太守怒思有以中之未

得五年遷邵武通判竟爲前太守所中坐貶再出補廣西

容縣道卒

明縣志

魏鏞廣昌人性超悟嘗恨不出陽明之門與南城羅汝芳講學自方魏鶴山因號少山嘉靖中以歲貢主簿淳安單車就道苞苴弗入縣民唐棟父子罹冤獄待死旦夕鏞廉得其情挺身爲直之邵忠以窮鬻兒憐而贖之士民刻石誦德爲文章根極理要詩歌一寫性靈何源羅萬程皆推敬稱爲學行絕倫所著有適志集

明續縣志

王材字子難號稚川新城人幼學於父祿自經史理學及古名家文悉誦習之嘉靖辛丑成進士改翰林授檢討得讀中秘書學益博掌內閣誥勅簡重得體遷南司業作南雍

建昌府志

卷四十二

人物傳六

十

申教錄申古德行道義之教以克己慎獨爲本一時士風丕振四年轉北作太學志本祖訓列法守祭酒郭鑿嘆爲奕世不刊之書遷南太常卿兼領祭酒南人士素習材教皆相慶得師初材成進士分宜嚴嵩在政府得材卷大驚及入見長身嶽立風度端凝愈益禮之留官禁林其後嵩獨柄國兵部郎楊繼盛以疏嵩奸罪逮詔獄論死是時材轉北雍王世貞爲材言繼盛冤材卽走嵩所爲營救嵩黨胡植鄢懋卿以養虎遺患沮之材力爭曰繼盛死不足惜關係國家甚大還當爲天下後世慮然卒不可回嵩子世蕃故厭材至是益大恚以爲材附言者傾我家遂南遷嵩□其黨得禍則反養虎遺患說誣材謂繼盛死實由材□

者遂露章糾材以是去官居家二十餘載自念身列侍從見肅皇諸明德大訓足以程法將來於國大命討大典禮大災異若大奸大忠足爲天下繫者皆謹書之又念國家恬熙日久吏治苦窳典制蕩然於是假邑志以存當世之故得宋四賢及國初名碩詩文存者類編之曰黎川文緒屢奉詔有司察舉以母老力辭不出卒年七十七所著有石堂語錄外制集念初堂集祀郡邑鄉賢

楊椒山年譜鄧潛谷行狀

材以椒山之死得謗然救椒山事見椒山自叙年譜可以雪矣

何汴字惟邦號貞頤廣昌人嘉靖間以明經教諭潮陽每晉生徒講資治通鑑求所以治亂得失之原巡按御史與汴從弟源有舊檄汴攝縣汴堅辭之嘗曰力學非干祿勤修

建昌府志

卷四十二

人物傳六

十一

恐辱先卒祀潮陽名宦

何三省縣志

張璣字洵水新城貢生官錢唐訓導讀書力追古先以道學自任南城羅汝芳嘗遊其門其後楊起元志羅墓劉元卿作諸儒學案皆推本近溪之學淵源洵水云

諸儒學案

羅錦字崇綱號前峰南城諸生弱冠時聞臨川饒行齋講良知學徒步走百里從之遊歸而大有所得讀書從姑冲虛巖下日手一編無外慕爲人淳朴孝友父繡魁晚得癱疾疾錦侍奉七年未嘗一假手僮僕母江以九日卒服闋後家人隨俗具酒饌錦對案悲泣人莫能仰視是日遂廢飲終身不改已復結廬從姑山偕子汝芳彙盱江之秀及子姓温繹其中以發明良知之學每中夜披衣起坐汝芳侍

立商訂經書必述陽明行齋之說以示歸的絃誦之聲達於遠邇當道高其行誼額其崕白前峰書屋以汝芳貴贈

刑部主事

子汝芳集

曾應翔字牧菴早孤育於祖母鄒日夜課之誦讀博綜羣籍既長雅不喜舉子業與邑人符遂謝晏往來讌會爲詩賦諸能詩者多下之嘉靖癸卯中秋之夕卿雲見東南郡守王度表奏稱賀應翔作卿雲賦大爲度所稱賞由是益知名益莊王聞其名手篆牧菴二大字遣有司具禮幣存問臺使者檄復其身

李半野集

羅汝芳字惟德南城人五歲從母授孝經比長一意以聖賢自任嘉靖甲辰成進士不就廷對曰吾學未信不可以仕

建昌府志

卷四十二

人物傳六

十二

歸而訪師友周流四方者十年建從姑山房以待學者癸丑赴殿試除太湖知縣時□□英山多盜江防使遣兵戍之民益苦汝芳撤戍兵領壯士突入其巢擒渠魁七人盜遂平召諸生論學公事多決於講座務以德化民刑設而不用遷刑部王事出知寧國府民兄弟爭產汝芳對之泣民亦泣訟乃已初開元會罪囚亦令聽講歲大計入覲大學士徐階曰吾初不欲煩子以郡事不意乃更有實用也汝芳起謝階曰古今事亦有不由己者如狄梁公以反周托張柬之倘柬之先歿且奈何汝芳曰公此言知柬之不知梁公階問故曰梁公以人事君則柬之亦必以人事君也階首肯汝芳因謂兩司郡縣多極一時之選今來朝可

講學以端趨向階遂大會於靈濟宮汝芳娓娓發明聽者數千人返郡丁父艱歸士民悲號不忍釋有步隨至盱江者家居學者日衆服闋赴都張居正問山中功課對曰讀論語大學視昔差有味耳居正默然補東昌移雲南屯田副使開水利灌田四千餘畝緬莽瑞體掠迤西思箇告口汝芳暮間偵其虛實下教六宣慰使絕緬糧道斷歸路緬大困乞降會忌者嗾巡撫王凝檄汝芳勿妄動緬因得遁去後遂猖獗□□政分守永昌捧賀入京禮成請告集廣濟寺論學居正惡之遂爲周良寅劾罷汝芳之學以赤子良心不學不慮爲的以天地萬物同體徹形骸忘物我爲大微談劇論所觸若風行雷動雖素不識學之人俄頃之

建昌府志

卷四十二

人物傳六

十三

間能令其心地開明道在目前一洗理學迂謹之氣與王龍溪並主講席論者謂龍溪筆勝舌近溪舌勝筆王塘南言汝芳早歲於釋典元宗無不探討緇流羽客延納弗拒取長棄短迄有□裁晚年會語一本大學孝弟慈三旨絕口不及二氏其孫懷智閱中峰廣錄命棄去曰禪家之說最令人躲閃入其中如落陷阱能復歸聖學百無一二疾革猶與門弟子講學不倦卒年七十四門人私謚曰明德稱近溪先生所著書數百卷目數十種不具錄弟汝順字惟道有任事才尤篤於孝義明史曾猷字獻嘉號裕齋南豐人學務躬行不求聞達不知者以爲孤介而坦易實甚聞一善稱之不去口過則隱之久之

里人敬信時四方講學者聚徒至百千人歎嘆曰已無實得終日高談何益早餼於痒受知於督學李夢陽田汝耜郡守曾璵其後巡撫陳洪謨學使邵銳周廣高其行誼皆移檄禮獎之不爲喜年四十三以限年議黜不爲愠嘗一挾其所著大學荅問天圖說裹糧數千里謁湛甘泉一再見語不合遂拂袖歸亦不他往也晚年樂龍池山水鑿石結茆閉戶誦讀人罕窺其際將終檢點生平無愧衾影談笑自如無一語及身後事

嘉靖續志

李經綸字大經號寅清南豐人曾祖遜知廉州有惠政自有傳綸生而有文在手墳起如方印讀書好深湛之思以理學自負爲諸生值鄉舉上書當道言當待士以禮無制士

建昌府志

卷四十二

人物傳六

十四

以苛法藉令盡革懷挾之弊而使志行之士如吳康齋陳布衣者睥睨其間避匿而不肯出無寧踈於防檢使志行士或由以進也當道得其言而韙之久之棄舉子業精心著述以詩三百篇非夫子之舊漢儒襍取逸詩以足其數故無益於天德王治之粹者削之作詩教考以禮有三日儀曰曲曰官見諸動止食息日用倫常者謂之曲行之吉凶軍賓嘉者謂之儀朝廷之制度謂之官三禮考註昧於經曲制度之節混三爲一爲之分別作禮經類編王湛二家之學盛行綸弗以爲是作衛道錄作大學稽中傳念時無知者聞羅整菴作困知記辨心性之異以闢王湛大喜上書以質所學整菴方自貴重懲兩家聚生徒各立門戶

故少所容接而綸辭又過侈遂沮抑之綸乃大失望走有
都謁祭酒黃佐佐深契之與之講樂律然亦未遑張其學
術也嘉靖丁巳東南中倭天下頗洶洶綸條時務七事請
當道獻之不遇中暘卒於貴溪年五十一崇禎己卯督學
侯廣成得其書歎爲僅見例其集於子推其業於兼家檄
祀鄉賢乾隆庚午奉主嘉禾書院與宋理學曾子固並祀

明儒
學案

朱大器號東源南城人嘉靖二十三年進士累官應天巡撫
隆慶初調保定六府都御史提督倒馬紫荆等關時俺答
數犯京師三年五月大器上疏言宣大重鎮東關隄備至
精至密獨西關咸謂天險夫所謂天險者謂守則必固也

建昌府志

卷四十二

人物傳六

十五

臣謬當重鎮深知險不足恃凡可以固根本飭關政靡不
殫力振舉然兵力不克器用不備資給不足禁令不齊諸
將領條陳便宜未有不以此爲言者因列上四事曰重惜
土兵以充分布曰補修戰甲以備策應曰量加賑給以勵
官守曰通融地方以便禁治九月二日有五百餘騎從小
水口進勅陳其守趙苛禦之大器復疏言據今從入之地
固大同當其衝若繇此而南窺廣蔚則備在紫荆一帶西
窺忻代則備在太原諸路再逆其聲東擊西之謀則蘓鎮
近密之防尤不可不戒嚴復乞勅下督撫鎮總各宜先事
籌畫敵至則固守疆域相機則互爲策應庶使未窺之地
匹馬不入從之是月敵入大同掠山陰應州懷仁渾口窺

□荆闕詔朱大噐李勇同心堵截令譚綸整兵策應大□
□總兵李勇兵備何東序同駐紫荆闕以兵備崔近思駐
倒馬關又檄各營軍兵擐甲晝夜登城嚴守敵聞風遁去
擢刑部侍郎攝吏禮兵三部事未幾乞骸骨歸大噐歷官
中外十餘年當時以鸞鳳日之生平博聞強識爲文章長
於議論於上下數千年治亂得失當代邊關扼塞戰守之
故剖析如流尤善誘掖後進所著有義經明珠壁經勝葩
經解通春秋訓戴經說約左國補註杜律解頤甲歷圖譜
等集崇禎間嗣孫益采復彙其遺文與李盱江曾南豐羅
圭峰何椒邱羅近溪鄧潛谷合梓顏曰七大家益采字觀
以有文名

東源
源集
疏近
序改
撰

建昌府志

卷四十二

人物傳六

十六

李萬實字少虛號訥菴南豐人御史立五世孫早喪母廬墓
三年哀泣如一日讀書不專事章句旁搜遠覽一以聖賢
爲宗嘉靖甲辰成進士授行人奉命使南康王郤其驢遷
刑科給事中內璫麥福緝一弑母罪人中旨特與蔭萬實
疏言名噐不可假祖制不可紊且旨不下科是奪科臣職
守也事得寢旋改南戶科會當大弊羣吏萬實言元元休
戚在庶官而人才進退關治道考核不精黜陟不慎雖唐
虞不能以治宜優異等嚴汰斥信禁令杜倖門使薰蕕別
白賢不肖臚分於礪世磨鈍之具庶得其要疏入頗見甄
採冢宰闕官會推徐階三人上以階方在左右不允命再
推循資以戶部尙書夏邦模推補萬實疏劾之言邦模□

筮仕即父事楊一清夤緣吏部一清惡其諂黜之外邇來穢德日彰植私益甚既不堪爲吏部之屬又安可以坐吏部之堂又劾孫承恩不可以掌詹事趙廷瑞不可以任本兵暨魏國公徐鵬舉定遠侯鄧繼坤怙勢虐民狀在科三歲多所建白彈劾勢要章凡數十上或諷使少嘿萬實曰吾諫官也舍用人行政不言顧毛舉細故以塞責何以稱厥官由是羣奸側目給事資深不外補冢宰啣之借有寇掄才出萬實僉事廣東實不當寇也僉事理鹽法號稱金窟萬實悉却之抑賈人恤竈丁百姓感服轉廣東參議雪屢年冤獄躬率兵勦四會猺賊旬日悉平尋罹繼母艱歸圖書數冊而已廣寇犯南豐萬實有水竹居在北郊寇指

建昌府志

卷四十二

人物傳六

十七

曰是吾廣東清官也相與羅拜而去服闋補湖廣江川王橫甚萬實作啟事規之不聽乃執軍尉數人懲以法再遷浙江副使備兵寧紹移疾歸萬實自三十五歲入官五十遂致仕居家二十年不一至公府惟禦寇撤兵諸大事則力任之表先達揚潛德廣祭田治祖墓待異母弟至愛無問言隆慶間巡撫楊成舉境內遺才首萬實卒不起其先後奏疏上虞同年生徐龍川彙梓之題曰恬仕錄其二子秩穆更哀其詩文爲崇質堂集二十卷行於世祀鄉賢

孔行狀

曾思

李橋字廷仰號半野南豐人弱冠有文名試輒冠其曹嘉靖甲辰成進士授刑部主事每訊鞫必中情實有僞印獄久

不服橋密遣人偵實摹內手書給其妻取印遂成獄以便
養乞南改兵部員外郎在部悉戎伍積弊嚴慎考覈更訪
異才籍記之北部以邊材咨取尙書卽以橋籍應悉稱職
遷漳州知府漳積案未結者千八百有奇橋曰不了此何
服一念惠及元元哉手自批答至夜分三月而畢都御史
檄取軍餉二千八百金令借民間三日畢具橋以帑金三
百應曰吾官可去借餉不可行也御史按部守禮不阿又
嘗拒要人請托由是得罪爲飛語所中罷歸十九年乃卒
橋執直自信意向如鐵石不可回又好面折人過故與物
多忤然開誠布公見義勇爲朝野皆知爲君子

縣志

黃必登字天衢號紹齋廣昌人事親無惰容稟命行役雖數

建昌府志

卷四十二

人物傳六

十八

千里外如親在側伯兄夢周參甘肅制府幕與掾王鎬有
隙稿教其僕梯屋誣周不法聲聞制府遂繫獄周憤恚不
食死必登聞計裹糧走邊徼萬里收兄骨詣闕訟寃得下
部咨江省撫按直其事辟惡僕置王鎬於法少司寇何源
義之稱爲孝友先生嘉靖中必登官長陵衛經歷攝懷柔
令□守正不阿乘障謹斥堠有功以子立言貴贈中憲大
夫臨川湯顯祖爲表其墓

何三省
縣志

魏邦泰字子亨廣昌人弱冠下帷博極羣書試輒首其旅不
一至公廳屢困鄉闈隧棄去益討論經籍著四傳折衷讀
史約甚爲當世所重初邦泰有田二百畝悉以讓諸弟由
是貧甚資教授以自給而植行甚肅取予嚴一介嘗□□

客遺金客欲構還金亭表之邦泰謝人益賢之

縣志

陶標號中石南城人嘉靖己酉舉人官至彌勒州知州嘗與羅近溪創京城會館設立館規井然有條理家居值邑令欲增糧耗衆皆唯唯獨仰天長嘆令叩之曰標不欲以百姓脂膏阿公好也長揖而去事遂寢

陶成家傳

曾具瞻字敬之號曉暘南豐人嘉靖己酉舉於鄉授連州知州爲政以移風俗爲本興賢育才爲先務而幹濟警敏不墮迂濶地多山獠易嘯聚爲盜具瞻至整營伍嚴行保甲禁富民漁利釐科斂乾沒之弊盜遂息武弁有地爲民侵舊官多左袒具瞻導以曲直令民自還之寒食日男女雜坐郊飲具瞻曰是不知墟墓之哀也導以悲思習頓改先建昌府志

卷四十二

人物傳六

十九

是聚落多叢祠獄囚纍繫至數百人及任滿獄中可羅雀叢祠之鬼不靈以調橫州去民謳思之不忘蒞橫月餘丁外艱歸遂卒

李郎者新城人有義概重然諾嘉靖戊午九月閩寇人新城焚南郭李郎出聞難急走歸獨挺身殺賊氣銳甚賊駭欲奔以孤身無助而死鄧元錫哀之以詩曰但爲我輩死豈學爾曹生又曰惜哉紀律輕傷此義烈魂時有涂氏僮賊繫之間城可攻否曰不可連詰之終不可亦死亦見元錫

詩

縣志

李良翰字伯憲號郭凡南豐人幼有異稟讀書一二過卽成誦終身不志博極載籍日經史百子以逮醫卜佛老諸書

靡不涉其籀籀爲詩文□追古作者頃刻百千言若不經
意性坦巨不事產業以孝友聞於鄉里早餼於痒不第遂
輸貲爲太學生竟不偶□鬱以歿與李訥菴有水乳之契
其歿也子一梃既刻其遺稿三種爲郭凡集訥菴更集其
所與水竹居唱和者別爲卷附於後

崇質
堂集

趙郡字子卿號濟川南豐人少師羅近溪而克己主敬專宗
朱子獨少變其師說同邑李寅清新城鄧潛谷交重之嘉
靖己酉領鄉薦令浙江平陽賦役鯨重治以寬平招撫流
亡皆安集復業有豪民航海爲盜郡諭以禍福立感悟詣
縣請死內艱歸民立祠北津繪像祀之補泗水捐俸立義
倉置官舍以居流民內侍謁泰山肆虐聖裔郡令壯士伺

建昌府志

卷四十二

人物傳六

二十

璫隙疾馳挾之去璫爲之奪氣舉卓異遷兩淮鹽運判官
條陳鹽務六事得報可商丁便之未幾以終養請上官以
郡廉吏留之不得商人贖郡千金郡卻之瞰郡出私於郡
子伯讓曰感恩無以報願以爲公子壽伯讓亦卻之郡既
歸角巾野服講學紫陽書院切磋益密所著格致精義錄
二十二卷知本錄十卷然其誨人專以小學曰孝弟之至
通於神明其他非所及也父卒遂不仕論學終其身伯讓
字禮齋廩膳生事後母孝待二弟京廉如手足蓋得力於

小學之教云京自有傳

譚浚南
豐備錄

張蓉字山泉南城人昇從孫也自幼讀書至西銘民吾同胞
慨然以仁爲己任初益壯王設館遵義門外以教王官子

弟慎簡師儒僉舉**睿**品高學富以應聘國人皆有所矜式莫不敬禮**睿**乃以所入束脩買廓西地建小宗祠以祀先四時祭儀酌文公家禮而變通之就其中置尊老怒幼所以收養族之煢獨置義塾延師以教族子姓其他賑饑賙貧歲所費無筭嘉靖三十四年表其廬曰孝義之門子口

自有傳

山泉書房記

鄧植字宜春新城人義曾孫父璋以好義聞植少失學不自重年二十八痛自省悔閉戶自飭日夕手一編自課構一樓面南山曰南山樓高居深視與賢士大夫游咏其中詩篇文史流溢篋笥性孝友父病旬月不櫛沐不解衣帶晚年與仲兄桂共增祭田釐祭儀定家規約族衆於仁禮仲

建昌府志

卷四十二

人物傳六

二一

兄卒哀慟委頓終喪無宴會郡守曾璵稱爲南山孝子子

元錫

縣志

張照字獻廷南豐人嘉靖壬子舉於鄉令祁陽下車謁文廟捐金三十斤買銅鑄尊壘以備然噐有邪巫越獄左右懼白請稍寬特益急竟置諸辟邑有元顏二公磨厓中興碑歲費民億萬紙照作放歌行上諸當道事遂寢大吏以舊識祀鄉賢持不可由是獲罪調靈壽縣靈壽民貧俗悍稱難治照裁減冗費教以節儉立高陽書院進士子日課詩書而民興讓三年入覲自詣吏部乞休靈壽士民數百人走京師丐留詔復任秩滿遷榮府審理正遂告歸子鳳圖字扶輿萬歷庚戌進士爲紹興推官剛毅有父風遷南京

刑部主事卒於任近志

曾翔龍字于潛南豐人儉之孫嘉靖乙卯歲貢授義烏訓□轉諭婺源再遷常州教授學課之暇皆能以餘力佐令不逮大吏才之檄攝武進令一月卽辭去中丞海瑞徵修□廟實錄以翔龍典其事筆削去取釐然悉當臺司並嘉其學行而□□以母年近耄泣丐歸縣令鄭秉厚爲樹清風高節坊以表之曾同亨墓志

羅廷秀字希賢南城人少小學卽能究入孝出弟之旨倦倦自勸年十四居父喪日顛天號泣若無所容偕兄弟事寡母甘旨必備又善承母意友愛兄弟客閩洛間十餘年貲大蓄歸喟然嘆曰多富多累是非所以貽子孫也乃大

建昌府志

卷四十二

人物傳六

二二

散財賑困乏其里中待以舉火者三十餘家邑令許某聞廷秀名欲援孝廉例彊之入仕辭不就士論高之羅近溪文集

涂□字毓綸號東川新城人弱冠補弟子員性豪俊慷慨動時流學宮甬道故湫隘渙爲創闢周給貧交疎屬揮金無筭有痴奴竊主藏事敗主督之急將就溺渙捐金解之民有不舉子者棄之中野爲覓乳母收鞠渙□艱嗣後舉子三人以爲好德之報長子朮歲貢生官至王府審理聞鄧元錫講業天峰就聽之遂忘寢食日夜切劘年七十餘卒囑姪雲雁曰必往事鄧先生受學無失也雲雁目有傳縣志程勳字叔庸新城人從鄧元錫遊元錫亟稱之謂其卓志遠業潛心冥悟直遂平性命旁通乎古今元錫客京邸勳寓

書論學答詩云六籍羅今古三才統一源河汾吾豈敢汝
莫負程元其屬望如此年三十餘卒屬續時神志凝一時

朱僅先歿元錫並輯其遺文序而藏之題曰二哀錄

鄧潛谷集

唐樸齋廣昌人羅近溪講學於邑執贄稱弟子體驗真切確
守不倦與侍郎何源善屢寓書備極鍼砭源嘗□之云樸
齋僻居林泉天機獨得志趨之高非尋常學者可及同時
爲近溪門人者有劉南川躬行孝友亦頗有心得恬澹不
求仕進與樸齋同南川名浙樸齋失其名

何源平山集

曾潭號暘岡南豐人嘉靖中爲弋陽王府儀賓封朝列大夫
恭□有大度居常以賦詩自娛尤喜與賢士大夫交年五
十無子始買妾察其容戚知以父故鬻之贖罪也遽遣還

建昌府志

卷四十二

人物傳六

二二三

不取值後連舉四子

曾雲亭傳

黃天祥字文明號在川新城人爲諸生敦尚實學與吉州劉
邦采鄒守益輩相劇切以爲聖賢爲法其學辨念於意辨
意於覺而約之貞靜以立本諸間學者雖多必因其高下
而教之在庠久品行孚於人學使下教官察士行大集諸
生且楮硯人予片函令各舉所知已發視皆天祥名隆慶
六年以歲貢謁選得邵武訓導未及任卒京邸臨終遺書
與門人鄧元錫曰生平所負在虛行徒修實踐未至影見
亦妙終非真誠來者尙以我爲戒其肫至若此元錫捧書
涕泣列師訓具表諸墓

鄧元錫集

鄧元錫字汝極新城人生而穎異志氣高廣稍長受業於黃

在川喜觀經史人以爲不利舉業在川曰譬之豢龍隨其所嗜豈必膏梁耶年十七卽能行社倉法以惠其鄉人已走吉安從諸光達遊嘉靖三十四年舉於鄉以養母不與計偕復從鄒守益劉邦采劉陽諸儒論學嘗嘆曰學必闡然退藏有遯世不可拔之志浮世功名的然衣錦吾其潛乎遂自號潛谷杜門著書有詩繹書繹三禮繹其言書重人心道心危微精一之旨詩則以爲風主情足以興雅主性足以正頌通神明極而至於命三禮本李大經之說而辨世所傳周禮儀禮禮記稱三禮之誤春秋非可句字釋作統言通之曰春秋通晚著易繹祖庖羲圖象作先天圖原宗文王卦辭作周易序卦後天圖原法孔子易贊作十

建昌府志

卷四十二

人物傳六

二四

翼通而本卦爲偶約六十四於三十二作反對爲偶圖說統名之曰五經繹又著函史上下編依洪荒來迄於元考觀天人貞一之統察古今迕合之變王路污隆道術善敗之故爲紀爲謨爲訓述爲表傳志曰上編總三才之撰觀會通之極由上古迄當代列二十一事紀其本末始終爲二十一書曰下編元錫之學淵源王守仁不盡宗其說時心學盛行謂學惟無覺一覺卽無餘蘊九容九思四教六藝皆桎梏也元錫力排之故生平博極羣書而要歸於六經著述自函繹外有四書周易潛語子約集約詩約潛學稿明書等編當是時遠近問學者趾相錯也休寧范涑令南城最重元錫後爲南昌知府入覲薦元錫及劉元卿章

□於朝南京祭酒趙用賢亦請徵聘如吳與弼陳獻章□
事得旨有司起送部試元錫固辭明年御史王道顯復以
元錫元卿並薦且請倣祖宗徵辟故事無拘部試詔令有
司間病痊可起送赴部竟不行二十一年巡按御史秦大
夔復並薦二人詔以翰林待詔徵之有司敦遣上道與吳
與弼劉元卿章潢號爲江右四君子秋七月辭墓將行以
疾卒於墓所年六十六門人私謚曰文統立祠南津祀之
崇祀郡邑鄉賢又祀豫章理學名賢祠明史本傳

陳希聖號思源瀘溪人潛心理學勵志操修不爲外誘師事
羅明德與新城鄧潛谷南城蕭伯羽友善壯年當伏闕上
書不報遂退而歸隱伯羽令潛山歸延致之與商榷古今

建昌府志

卷四十二

人物傳六

二五

校定所爲詩文潛谷稱其好古獨行又稱之爲陳布衣其
後復有危布衣者名萃台字象泰當國家末造每讀文山
集慷慨激烈往往挾以自隨年五十更自斂抑聞金谿陳
惟易精於易理徒步往請其說曰道在是矣遂俯首稱弟
子時人賢之希聖所著有水芸臺稿仕學篇鄧潛谷集
近志跋云按潛谷作蕭鵬墓誌稱瀘溪陳布衣希聖據
此則縣志稱爲潛谷弟子者誤今改定

李堯字陶濱南豐人博綜羣書過目成誦所著邵子黃極解
河洛衍義通書釋杜詩註祛惑編遐觀錄宋忠義補遺宗
祠條規姆訓諸書高者根極理要其次猶可以扶掖世教
培獎人倫顧堯不蘄人知人亦竟莫得而知也所受業□

鄧侃齋卒無子堯爲之心喪三年春秋祭掃終其身

縣志

張檣字叔養號心吾新城人祖廷用字味泉捐金鑿石硤水道舟楫利賴檣少從鄧元錫遊嘉靖戊午舉鄉試明年成進士令婺源多異政鄰邑賊起婺源未有城檣畫守禦賊不敢入婺源人爲立祠以祀擢監察御史會嚴嵩以鄒應龍疏罷帝忽忽不樂手札諭徐階嵩已退其子已伏辜敢再言者當并應龍斬之檣時巡鹽河東上疏言陛下已顯擢應龍而王宗茂趙錦輩首發大奸未召是曲突者不賞帝大怒立逮至杖六十斥爲民隆慶初復官屢疏抗中官嘗劾大學士高拱拱復入閣掌吏部檣已遷太僕少卿坐不謹罷旣歸杜絕人事講學閒居額其堂曰皆春談經味

建昌府志

卷四十二

人物傳六

二六

道泊如也兩臺使先後薦起之陞應天府尹戊子歲饑請預給軍糧來年之半聽民自爲貿易穀價遂平擇廉幹吏廣施鋪糜單車周視全活以數十萬計舊例場屋試士燭皆自備檣委提調捐俸置辦南士得給官燭自檣始壬辰入朝圖書數篋一切問餽無所措當路亦無不相諒者累遷南工部右侍郎攝司空時法宮深闕不視朝國本未立言者多斥謫又邊事孔亟民口財匱檣上疏凡數千言留中不發遂告歸家居十載口貴不異寒素少失怙恃與兄弟友愛終身無間言檣秉質醇厚居常閭閻可親至服官蒞政遇大利害持論侃侃無所撓屈再躡再起忠不忘君有古社稷臣風卒贈南京工部尙書

明史

□鑰字子啟新城人櫝從子也爲諸生從學於羅汝芳敦尙
實行事父以孝聞居母喪哀毀骨立廬墓三年服闋每過
母墓輒號泣邑令韋孚猷旌之

新城縣志

土維煥字仲弢新城人幼隨父官建寧聞母疾匍匐馳歸母
歿一號幾絕父末年沉疴奉醫藥衣不解帶三載事繼母
以孝著爲諸生屢困棘闈已乃寢食於王龍溪羅明德書

銳意向道年未五十卒

新城縣志

何源字仲深號心泉喬新弟喬年五世孫也

史作喬新五世孫誤

父錢

讓財于兄兄女孤以私財嫁之恤宗人之無後者遠近稱
爲長者子源濤沆皆以行誼政事著有司爲建三鳳坊於
其里源登嘉靖己未進士筮仕嘉興令以愛民守官自矢

建昌府志

卷四十二

人物傳六

二七

邑民有郭傑者誣服冤獄已十年源廉知殺人者郭明也
釋傑而罪明一邑稱神君靖江王盤遊至浙所過騷動源
令饑民請賑王遂遁去有欲增鹽課者源以民方苦倭恐
鹽徒朋引禍且不測止之巨商吳瀛倚總制爲鄉曲有所
祈免源不聽總制怒以爲抗已源從容條請反更奇之年
饑申請緩徵銀六千兩米三千餘石通查五年所餘以代
補任二年官舍蕭然召爲工部主事治河呂梁築單家口
大堤三百餘丈總漕題請減河夫工食下所司議源申辨
利害數千言得不減調職方轉本司郎中條陳兵事多中
肯有旨內監三人典京營本兵欲從之源疏諍得止南京
新立鎮武營軍悍不可制奏罷歸本衛尋以病請歸起改

□銓水赴丁父憂服除補稽勲郎調考功佐計典有聲陞太常少鄉奉使德藩歸時邑苦王庄丈量均攤諸事源力請罷召爲太常大理寺卿改南吏部侍郎掌京察極爲海瑞所稱許入賀爲刑部侍郎佐曾同亨同定問刑條例疏著爲令訊獄必求其先未嘗以己意出入以勞卒於官生平以清節著卒之日檢橐中無以爲殮贈右都御□□經呂梁軍民攀號竟日不得發及歸嘉興人士不遠數千里奔奠相繼天啟元年諡靖惠濤字仲平號平山源仲弟也嘉靖二十八年與弟沆並舉江西鄉試而濤爲舉首人艷之曰爲何氏三鳳數上公車不第源勸之仕不應他日又舉君臣之義相激勸於是勉起謁選得安慶推官受事五

建昌府志

卷四十二

人物傳六

二八

日每閱讞獄輒矜恤不欲竟曰士各有志安能岑岑長事此會謁上官扃其署竟歸當道與士民爲樹高風亭以記之著有平山集沆官寧化令值邑清丈有廉平聲

明史明縣志

徐鉞字秉威號后岡南豐人登嘉靖己未進士授台州太平令太平爲成化間新置邑版籍土田無可考覈豪家田無糧而里役征輸皆無土之民鉞下車卽議清丈濡露戴星親履田間召父老計畝授糧宿弊頓祛萬民歡呼載道鄉紳趙侍郎獨恨之鉞懼爲所嚙官九月遽致仕趙侍郎死始起鉞主事而鉞亦旋卒年五十餘擾游林下者幾三十年居鄉見倚勢位虐善良者輒厲責之與諸紳士宗藩結

詩酒社讀書嘯咏以終其身

王龍谿政績序謝程山集

黃文煒字德華號景雲南城人父季融有文名以明經授南
昌訓導甚得士心念母老乞假歸省遂不復任文煒生而
穎異領嘉靖辛酉鄉解年甚少明年成進士授上海令在
任除弊折姦一時宿猾皆咋舌當佞寇殘毀後水旱荒蕪
文煒建倉儲穀捐俸市米又請折草以恤荒區置義田以
蘓糧役建羣忠祠以祀死事者政教肅然上海入號曰神
君以勞瘁卒於任廉無以殮諸丞簿爲貸金治木時季融
就養任所見士民哀號如去父母嘆曰兒如此雖不壽猶
壽也吾復何憾耶後祀名宦

江南通志
羅近溪集

湯邦翰字良甫號純齋南豐人性孝友執親喪哀毀過禮侍
祖母疾衣不解帶者三年兩弟無祿視其子如子以教以

建昌府志

卷四十二

人物傳六

二九

養給以腴田俾以成立而自留其薄者嘉靖辛酉舉於鄉
不以一字干當道將謁選見守令屈抑不得志嘆曰吾不
能爲此矣遂不出神光二廟升遐邦翰以國變迭興率子
孫哭於家年九十卒督學侯峒曾探輿論祀鄉賢

邑志

張挺字長卿號秀屏南城人礬之子挺懷古好修該博而銳
於才與鄧元錫交善元錫撰函史挺一見卽許爲必傳爲
更次評點抉微剔奧而時匡其所不逮元錫爲書累千百
言報之又識其後謂挺平生宏蓄奧識阻於遇而未試胥
於此發之學使侯廣成見而嘆曰有潛谷先生之函史不
可無長卿先生之評鑒遂捐俸助刻臨川傅占衡詩云李
覲終無第張挺未有書言士當相賞於流俗之外也

□□字毓用號荷亭新滅人工詩王材稱其詩豪佚光怪超然有物外之思家故富性落拓嗜酒不治生人產有女爲舒城王妃例得月俸輒隨手散去晚益貧家人問生事瞪目不答餉之酒輒數斗出與里中子驩笑謔浪油油然無間也悲懽喜愠一不入其心獨發於詩以諸生援例入太學年六十七始授廣東順德丞勘月卒於官儲與鄧元錫交善元錫錄其遺詩爲荷亭詩選序而梓之

潛谷集

陶亮新城人世業庖父母歿廬墓終喪每朔望往省歲除必宿墓所虎過其傍亮方哀號不知虎亦不傷也邑令高履謙書孝子旌其門同邑有裘獻者皮工也父志高患足疾不能行日負至市肆具酒肉飲食之晚則負以歸事繼母

建昌府志

卷四十二

人物傳六

三十

孝謹無二邑令黃文鸞旌其肆曰孝子

隆慶邑志

饒衡廣昌人執父母繼母之喪皆盡禮絕酒食不離苦塊者九年嘉靖中弟以租逋係獄幾死衡破產贖之有族叔貧困無依夫婦俱流落異鄉衡勉力請歸終身養之無倦人以孝友稱焉

高志

羅鈇字明衛號愚邱南城人父增以族人獄連逮論死獄成鈇七上書以非例格不行再詣闕訴諸憲司泣不絕聲御史汪鉉憫之爲代奏迺出增計事始終凡三十六年備嘗艱苦嘉靖間鈇由監生官餘姚縣丞以廉仁稱蠲費省役民便之仕至南京工部營繕所所正

南城夏志

聶希先字惟哲號松坡南城人幼有至性與弟希賢同□□

傳聞講小學論語諸書輒相語曰若而云云豈徒令人熟記誦工文藝已耶於是兄弟自相規誨出入有時言動有法家貧力孝養晨夕不遠左右母單久病兄弟頂香路叩禱邑之華蓋山占弗吉號泣奔歸諗諸醫亦謂脉無生理希先至夜分祝天以七首刺股血淋漓仆地命希賢和羹代進母病遽愈村居一夕寇至舉驚去獨負母掖父以走貲蓄弃不少顧希光爲人篤實恬怡不事表暴好讀書所著古文詞識者賞之希賢郡庠生

羅近溪文集

謝一豸字于繡號翠屏廣昌人慷慨喜任事舊學宮在城外豸相陰陽請徙入東城移城門與學植士氣益振嘉靖末閩寇數犯縣勢殊急豸出計火其呂公車賊遂遁甲子舉

建昌府志

卷四十二

人物傳六

三一

於鄉任廣東仁化縣蛋戶苦魚稅疏免之里役苦運糧疏更之居四載冗裁浮節訟牘皆清事母以孝聞兄弟九人至老不異爨邑人稱之無間言卒祀鄉賢

縣志

章泮字前峰南城人晚年生二子將遣就傅慨然曰子而思教吾之至情然宗黨子弟將無同有是情而願樂業於茲者乃卽所居地創爲義館凡族黨子弟皆集鄰里之願附者並得共業焉羅汝芳爲記稱爲三代之遺

近溪集

王仲源字子本南城人父一齋雅好文學授益藩典儀時益端王以賢名而一齋職掌邦禮大爲王重與車廷松友善因命仲源遊其門仲源質疑問道朝夕不少倦且時推口餘以濟其空乏廷松數言仲源儻好義非凡士也以口

生遊國學挾廷松舊稿次第鐫之一時海內縉紳盡知有
廷松名其厚師門如此近溪集

孫奎字啟文號曲澗居士初補南城弟子員後改瀘溪遂爲
瀘溪人積學敦行二親相繼逝廬墓六載未嘗一履家庭
闢館舍以延四方學者日廩餼之里閭待以舉火者亦數
十家喜吟詠詩曰曲澗稿嘗辨饒廷直死於忠義正德志
誤入神仙其言極有功於名教又有史記辨纂孫武子兵
法若干卷藏於家明縣志高志

許琬字文建號少南新城人嘉靖歲貢由訓導擢沅陵令沅
陵號繁劇兵荒洊至一切供億琬悉裁去邑火禱天自責
風反火熄當道交獎之後致政歸鄧元錫爲作沅山篇畧

建昌府志

卷四十二

人物傳六

三二

云沅父老兮望日延君胡爲兮鴻騫亶知足兮不辱豈周
容兮能全蓋美之也縣志

高佑字良弼號望村南豐人太學生授安慶衛經歷改補永
州衛清理戎政勘屯田咸敏決不滯軍民稱平立散糧田
帖釐積弊民便之署東安縣有惠政以祿不逮養遽謝而
歸晚好老氏之學卒李萬實爲志其墓崇質堂集

王璽字予信號見竹南豐人嘉靖乙丑進士選庶常歷工禮
戶三科給事屢有建白奉使朝鮮却珍寶餽贖朝鮮爲建
却金坊於其國遷太平守有廉聲巡方按部璽進以疏食
巡方悅益重璽庠生石自高者浴於水二龍遶之觀者□
林呼萬歲事聞所司以叛論株連甚衆璽引傳捏妖□□

戮其魁餘不問晉粵東學道敷教以寬尤恤念老生□□
悅服尋懼廣東按察使年六十致仕歸屏跡公庭惟調浙
兵修邑乘任之不辭卒祀鄉賢

內省齋
集改撰

邵廉字養心號圭齋南豐人讀書喜實用文喜司馬子長嘉
靖乙丑成進士主事虞衡歲省水衡錢無筭改兵科給事
中災祲見帝令陝衛察有司不職廉疏言朝廷耳目在臺
省奈何使貂鎗陰竊人主柄以成羅織汪直事可監也尙
寶丞鄭履淳以諫受廷杖廉救之居鎖闥未期章凡數十
上皆報聞旋出知建寧府改淫祠爲崇正書院以祀朱考
亭謝疊山置學田建義倉一切治行皆飾以儒術崇安有
大猾素結京師權貴爲民害郡縣使莫敢問廉繩以法猾

建昌府志

卷四十二

人物傳六

三三

構蜚語遂調肇慶丁憂服闋補成都府治行皆如建寧卒
以建寧蜚語罷遂卒所著有圭齋奏議典志考議要畧寓

言集

明縣志陳
文燭墓表

蕭鵬字伯羽號溟南南城人嘉靖末歲貢授潛山知縣潛當
南北衝而民囂多訟鵬至見漢朱邑文翁循廉坊嘆曰吾
爲此必無負兩公乃約己裕民清賦役懲奸蠹除積弊有
以常例金進者却不受月兩視學進諸生講課勸以實行
期年政成民有十喜之謠會直指使者有所求弗應以□
及論調遂拂袖歸杜門吟咏聞瀘溪有陳希聖者好古□
行延致之與商訂古今無廢夕其髦勒如此所著有代□

詩集

鄧元錫
墓志

□□字廷貢廣昌人期而失怙再期而失恃零丁艱苦媵母
□氏祿之逃寧化得成立年九歲思父母輒痛哭不食曰
人皆有父母我獨何辜母遇忌辰及聞人道父母遺事嗚
咽不自禁嘗改葬其父追服衰麻廬墓三載士大夫贈以
詩歌積成卷帙祭酒林文俊題曰終慕爲之序其卒也羅
汝芳表其墓子元宇吉夫亦以孝聞

近溪集

萬實字士確號清溪南城人學宗先儒與昆弟自相切磋諄
諄以挽俗還古爲念所著有家禮節要異端辨畧歷象氣
節圖月食虹霓辨嘗舉都邑利弊於曹邑令皆有闕風化
者曹嘉納之尤嫉婦女佛會嚴立禁約族人屢世相戒不

敢犯云

南城夏志

建昌府志

卷四十二

人物傳六

三四

邱浙號厚山南城人祖嵩正統進士官給諫以清節著浙登
嘉靖進士歷官濟寧道有吏以例金七百進者浙重扑之
曰爾知吾祖給諫公法乎尤擅知人鑒初守泉州試童子
錄五十人其後登甲者三十八人鄉雋十人貢二人無子
衿終者苦少宰楊道賓總憲馮有助及本郡守胡明佐皆
其選也仕至廣西按察使加布政司致仕

高志

包鼎臣字彥和新城人少從羅近溪學負奇質工詩文游邑
痒弗售入國學又弗售會嘉靖末年南北交警大司馬需
將材甚亟鼎臣氣宇修昂神采英發奮然嘆曰大丈夫投
筆請纓取金印如斗大猶反掌也豈一第能吾躓耶乃應
例得指揮使有事閩省三試武闈並列高□兩臺藩臬□

爲文武才周旋□粵□屢奏勛績萬歷乙亥以□□□備
□歸病卒仲子宏勲刻所存詩文顏曰存稿羅近□□□
序宏勲邑庠生事親孝居家敝袍不恥陋巷蕭然□□□
方賢士惟恐失之人謂有父風云

近溪集瑤
光閣集

揭容廣昌捐文昭家僕也容不讀書而孝敬出於天性或得
佳味必歸獻主次及母母死遂辭主廬墓上容父先出亡
喪畢誓曰若不見父雖天涯吾往也乃刻其親像戴於首
敝衣跣足無間寒暑自江而浙過建業歷荆襄直抵燕薊
行丐於市歷數歲竟不得人咸哀之

高志

毛普聖廣昌人襁褓父客於外二十年不返普聖時時哀慕
乃娶妻以養母而自出訪父歷九江長沙武昌諸郡無所

建昌府志

卷四十二

人物傳六

三五

得泣歸慰母踰年復往抵寶慶次岳州卒得父於旅舍迎
歸以養父卒哭之慟遂嘔血死邑令蔣建表其門

明縣志

潘傑字仁英號九峰南城人幼穎異年十六餼於庠未幾父
卒傑念母孀居不忍離左右因棄舉子業課僕力作爲供
具初傑居父喪廬墓三年至是有以血氣就衰勸止者傑
不顧獨居墓側歲大疫傑染病山間絕而復甦其子維詮
欲扶侍反不允終三年乃反生平足不輕履城市縉紳家
慕其丰采求一面不可得產不甚饒而樂施予撫孤濟貧
多有爲人所難者萬歷二年御史燕按部廉其狀請旌於
朝報可遠近士人傳其事詩文盈帙維詮彙而梓之羅近
溪爲之序維詮號東湖有文名

羅近
溪集